

## Kei te māharahara koe mō tō haumaruru?

Ehara i te mea kei te haumaruru te āhua o ngā tāngata katoa i te wātea tūmatanui mai o ā rātau taipitopito ki te rārangi pōti, engari ehara i te mea ka ngaro tō tika ki te pōti.

Mēnā e āhei ana koe ki te rēhita engari ki tō whakapono ka noho mōrearea koe, tō whānau rānei ki te noho mai o taipitopito ki te rārangi pōti tā ka taea e koe te tono kia uru tō ingoa ki te rārangi huna matatapu.

Ka āta tiakina o taipitopito rēhita e Te Kaitiaki Take Kōwhiri, ā, kāore e whakaputaina ki ētahi atu.



## Whakakia tēnei puka hei tonono kia whakaurua atu ki te rārangi huna.

Ingoa:

Rā whānau:

Waea:

Wāhitau imēra

Wāhi noho i rēhita ai koe ki te poti, i tonono rānei koe kia rēhita:

Tuhia mai ētahi atu kōrero ka tukuna hei tautoko i tō tonono:

Me tohu kia kotahi o ēnei e whai ake:

Kua rēhita kē au

Kāore au i te rēhita, ā, kei roto nei tētahi puka rēhita kua whakaotia

Waitohu/rā:

- Whakaoti me te pōhi ki: Te Kaitiaki Take Kōwhiri, Pouaka Motuhake 3220, Te Whanganui-a-Tara 6140.
- Kia maumahara ki te tāpiri i ngā kōrero tautoko i tō tonono hei rēhita ki te rārangi huna.
- Mō ētahi atu kōrero haere ki [elections.org.nz](https://elections.org.nz)



## Me pēhea te uru ki te rārangi huna.

Hei tonono ki te uru ki te rārangi huna me whakakī ka whakahoki atu i te puka kei tēnei mātārere. Mēnā kāore anō koe kia rēhita i tēnei wā, me whakaoti e koe he puka rēhita. Hei tiki puka rēhita, puka rēhita tāpiri rānei, ka taea e koe te:

- Tikiake puka i [elections.org.nz](https://elections.org.nz), tērā rānei
- Waea ki **0800 36 76 56** ka tukuna atu ngā puka ki a koe mā te mēra.



## He aha ngā kōrero tautoko me tuku ahau?

Me tuku kōrero tautoko koe hei whakaatu i te take me rēhita koe ki te rārangi huna. Ko ngā tauira o ngā momo kōrero:

- He reta mai i tō kaituku mahi, tō rōia, tō tauwhiro hapori, tō kaitaunaki, tētahi atu tangata whai mana i te hapori e whakamārama ana i te take e noho mōrearea ana koe nō tō āhuatanga mahi, whaiaro rānei, tērā rānei
- He tārua o tētahi whakatau whakamaru e mana ana i raro i te Ture Whakarekerekere ā-Whare 1995, tērā rānei
- He tārua o tētahi whakatau ārai e mana ana i raro i te Ture Nonotitanga 1997, tērā rānei
- He kōrero mai i tētahi āpiha Pirihimana, āpiha nō Te Ara Poutama rānei e whakamārama ana i te take ka noho raruraru koe, tō whānau rānei ki te whakaputaina tō ingoa me tō wāhi noho.



## Ka aha mēnā ka huria e au aku taipitopito whaiaro?

Me whakamōhio mai ki a mātau mēnā ka rerekē ō taipitopito rēhita, pērā i tō ingoa, wāhi noho rānei. Ka taea anō e koe te hoki ki runga i te rārangi tā ki te rerekē ō āhuatanga whaiaro.

Me whakapā atu ki Te Kairēhita o Ngā Kaipōti i tō rohe ka whakahou i ō taipitopito. E wātea ana ā rātau taipitopito whakapā i [elections.org.nz](https://elections.org.nz), mā te waea rānei ki **0800 36 76 56**.



## Me pēhea tuku pōti mēnā kei runga au i te rārangi huna?

Ka taea e koe te pōti i tētahi wāhi pōti i tētahi pōtitanga whānui, pōtitanga motuhake rānei. Me tuku pōti motuhake koe i te mea kāore ō taipitopito i runga i te rārangi tā ka whakamahia ki te tuku pōti i te wāhi pōti.

Me whakakī e koe he puka tāpiri me tō pepa pōti hei whakaū i te rohe pōti i rēhita koe ki te pōti. Ehara i te mea me whakakī e koe te wāhi noho, ngā kōrero mō tō ingoa o mua rānei kei te puka mēnā kāore koe i te hiahia. Ko te rahinga atu o ngā kōrero ka tukuna mai e koe ka nui atu te āwhina i a mātau ki te whakaū i tō āhei ki te pōti.

He tangata kei te wāhi pōti hei tohutohu i a koe me aha koe, me haere koe ki hea.

Hei pōti i ngā pōtitanga kaunihera, me pātai koe ki te āpiha pōti i tō Kaunihera ki te tuku pepa pōti ki a koe.



Level 10, 34-42 Manners Street,  
Pouaka Poutāpeta 3220,  
Te Whanganui-a-Tara 6140.